

Tonga - Silumamba Magwalo - Soldiers Scriptures

Ba-Efeso 6:10-18

- 10 Kumalekelo, nubakwesu, amuyume mu-Mwami amunguzu zyakwe impati,**
- 11 Amusame zilwanyo zyoonse zya-Leza, kuti mukonzye kwiima mumeneeno aa-Diabolosi.**
- 12 Nkaambo inkondo njitulwa tiiensi yakulwana abantu balya maila, pe, niakulwana abeendelezi abami abasinguzu bamumudima waansi ano, tulalwana amyuuya yabubi iili mumyeenya yakuju, lulu.**
- 13 Nkikaako nkindaambila kuti amuzwate zilwanyo zyoonse zya-Leza, kuti mukakonzye kulwisya mubuzuba bubi, elyo yamana buyo inkondo yoonse muzooima nji.**
- 14 Lino mbuboobo mbumweelede kwiima, Amulyaange kuzikungu lutambo lwalusinizyo akulisamika kucamba cikwabilizyo cabululami.**
- 15 Zitura zyanu zibambwe kukusamikwa a-Makani Mabotu aaluumuno.**
- 16 Kwiinda zyoonse amubweze intobo yalusyomo, njiyonya njimukonzya kuzimya mimvwi yoonse iipyia iifuswa kumubi.**
- 17 Alimwi amubweze ingoani yalufutuko, apanga Iya-Muuya, nkukuti ijwi Iya-Leza.**
- 18 Amukombe lyoonse azikombyo ankumbizyo zyoonse zyamu-Muuya, Ee, amupangike myoyo yanu cabusungu kumakani aya, mukombele basalali boonse.**

Intembauzyo 91:1-16

- 1 Oyo uukede muciyubilo ca-Mupatikampatila Ulakala mucenzule ca-Singuzuzyoonse.**
- 2 Ndaamba aa-Jehova kuti, Macijilo aangu, ndilinga lyangu, Ngu-Leza wangu ngonsyoma.**
- 3 Nkaambo ulakuvuna mukakole kasikuteya, Akubulwazi bunyonyoona.**
- 4 Ulakuvumbilila amapepe aakwe; Kunsi amababa aakwe nkoyoooyubila; Kusyomeka kwakwe kulakubeda intobo acikwabilizyo.**
- 5 Tokoonooyoowa ziyoosyo zyamasiku, Niiba mivvi iiuluka isikati,**

- 6 Nebuba bulwazi bweenda mumudima, Neluba lunyonyooko lusaala ciindi cakalangabwaseme.**
- 7 Bantu bali cuulu balawa kumbali lyako, Azyuulu zili ikumi kujanza lyako Iyalulyo, Pele yebo, tacikooyookuswenenena pe.**
- 8 Uyoolanga buyo ameso aako, Akubona impindu yabasizibi.**
- 9 Mbowakaamba kuti, Jehova macijilo aangu, Mbowakabika Mupati-kampatila abe cikalilo cako,**
- 10 Tokooyoosikilwa mapenzi, Abulwazi tabukooyooswena kucilao cako,**
- 11 Nkaambo ulalailila baangelo bakwe aanduwe, Kuti bakubambe munzila zyako zyoonse,**
- 12 Bayookubaka amaanza aabo, Kuti utalifumpuli kucituta cako kubbwe.**
- 13 Uyoolyataula mulavu acipile; Syacanza anzoka uyoozilyataula ansi.**
- 14 Mbwabikide moyo wakwe kulindime, njoomuvuna. Njoomusumpula, nkaambo ulizi izina lyangu.**
- 15 Ulandikwiilila, lino njoomuvviila, Njooba awe mumapenzi, Njoomuvuna akumulemeka.**
- 16 Njoomukutya boongozi, Akumubonya lufutuko Iwangu.**

Intembauzyo 18:1-50

- 1 Wakati, Ndakuyandisa, O Jehova, inguzu zyangu,**
- 2 Jehova ngumwaala wangu, ngumampangala aangu, ngusikundivuna. Ngu-Leza wangu, indomba yangu, ngunsyoma. Nintobo yangu, nduja Iwalufutuko Iwangu, ngumwaako wangu wakujulu.**
- 3 Njooimbila Jehova uutembaulika, Elyo njoofutulwa kulibasinkondoma.**
- 4 Tukole twalufu twakandizunguluka, Akwalo kupaya kwalunyonyooke kwakandiyoosya,**
- 5 Tukole twabusangu twakandizambaila, Atukole twalufu twakandijata.**
- 6 Lino mukupenga kwangu ndakali koongolola Jehova, Ndakali kukwiilila Leza wangu, Elyo wakasiilila ijwi lyangu muntempele yakwe, Akoonzomoka kwangu kwakanjila mumatwi aakwe,**
- 7 Mpawo nyika yakatenkana akuzungaana, Intalisyo zyazilundu zyakakankama, Zyakatenkana nkaambo kabukali bwakwe,**
- 8 Mumpemu zyakwe mwakasuka busi, Amukanwa lyakwe mwakalya mulilo. Makala akadukulwa kulinguwo.**
- 9 Wakakotamya ijulu, wakaseluka, Akunsi lyazituta zyakwe kwakasia mbi.**
- 10 Wakatanta akerubi, wakauluka, Wakafuuma amababa aaluwoo.**
- 11 Wakalizyungulusya cilao camudima, Ampumba yamaanzi amayoba**

malemu.

- 12 Kukumwekamweka kwabusyu bwakwe Kwakazwa mayoba acivilamabwe amakala aamulilo.**
- 13 Jehova wakandindima kujulu, Sikuju lu wakalizya ijwi lyakwe, Acivilamabwe amakala aamulilo.**
- 14 Wakafusa mivvi akubamwaisya, Wakatuma lulabo akubapyopyonganya,**
- 15 Elyo kutako lyalwizi kwakaboneka, Antalisyo zyanyika zyakayubununwa, Nkaambo kakutapatila kwako, O Jehova, Akuyoo ya kwampemu zyako.**
- 16 Wakatambika kujulu, wandijata, Wandigwisa mumaanzi manji.**
- 17 Wakandivuna kulisinkondon-a singuzu, Akulibaabo bandisulide, nkaambo bandiinda inguzu.**
- 18 Bakandikataazya mubuzuba bwamapenzi aangu, Pele Jehova nguwakandigwasya.**
- 19 Wakandinjiza mubusena butuba, Wakandivuna nkaambo kakundiyanidisya.**
- 20 Jehova wandilumbwida bululami bwangu, Akundiboozezya mbwaasalala maanza aangu,**
- 21 Nkaambo ndajatisya inzila zya-Jehova, Nsina kubisizya Leza wangu,**
- 22 Imbeta zyakwe zyonse kazili kubusyu bwangu, Nsina kusowa milazyo yakwe,**
- 23 Ndakaliluleme kumeso aakwe, Ndilikasya kuzibi zyangu.**
- 24 Nkaambo kaka Jehova wandilumbwida mbuli hululami bwangu, Mbuli kusalala kwamaanza aangu kumeso aakwe.**
- 25 Kumuntu siluzyalo ulalibonya mbuli siluzyalo, Kumuntu uululeme ulalibonya mbuli mululami.**
- 26 Kumuntu uusalala ulalibonya mbuli uusalala, Pele kumuntu uupilingene ulacita cakusendama.**
- 27 Bantu bapengede ulabavuna, Pele basikulisumpula ulabafwiinsya.**
- 28 Nkaambo nduwe ooyasya ilampi lyangu, Jehova Leza wangu nguumunika mudima wangu,**
- 29 Kulugwasyo Iwako udakonzya kulwisya impi. Kulugwasyo Iwa-Leza wangu ndakonzya kusotoka bulambo,**
- 30 Ncobeni Leza inzila yakwe ililuleme. Ijwi Iya-Jehova lilasalala. Nintobo kuliboonse bamusyoma.**
- 31 Sa kwali Leza cita Jehova alike? Ncobeni taakwe mwaala mbuli Leza wesu,**
- 32 Ngu-Leza uundaangaanga inguzu, Nguulondola inzila yangu,**
- 33 Ulaubya maulu aangu mbuli maulu aansya, Ulandiimika amasena**

aakuju lu,

- 34 Ulaiisa maanza aangu kulwa, Aboobo buta bwamundalila
bulaobesegwa kumaboko aangu,**
- 35 Wandipa intobo yalufutuko Iwako; Ijanza lyako lyalulyo ndelyanditabilila,
Kulibombya kwako kwandisumpula.**
- 36 Wandikomezezya myeendelo njinjeendela, Amaulu aangu taatezemuki.**
- 37 Ndatanda basinkondoma, ndabeenzya; Nsipiluki mane boonse
banyonyooke.**
- 38 Ndabauma kuti batabuki limbi, Ndabalyataula amaulu aangu,**
- 39 Wandisamika inguzu zyakulwisya, Wandifwiinsizya abo ibakandibukila.**
- 40 Wandicindulwida basinkondoma, bandipa isule; Abaabo bandisulide
ndabanyonyoona.**
- 41 Bakakwiila, pele katakwe uubavuna; Bakakwiilila Jehova, pele
takwakabavwiila pe.**
- 42 Elyo ndakabapwayaula mbuli lusuko lupupuluka amuuwo,
Ndakabalyataula mbuli matope aamumigwagwa.**
- 43 Wandivuna kunzumanano zyabantu, Wandibika kuti mbe simutwe
wamasi. Musyobo ngundarakezi wandibelekela milimo.**
- 44 Bamvwe buyo impuwo yangu, bandisiilila; Bazwakule balalibombya
kulindime.**
- 45 Bazwakule bawezauka, Beza buyangama kuzwa mumampangala aabo.**
- 46 Jehova muumi! Alumbwe mwaala wangu! Asumpulwe Leza walufutuko
Iwangu.**
- 47 Leza nguundiboozezya inkoto, Nguubombya bantu mumaanza aangu.**
- 48 Nguundivuna kumaanza aabasinkondoma. Nduwe oondisumpula
kulibaabo bandibukila, Akundifutula kubantu bakali,**
- 49 Nkaambo kako njookulumba, O Jehova, akati kamasi, Njootembaula
izina lyako.**
- 50 Ulaleta lufutuko lupati kumwami ngwaakabika, Ulamufwida Iuzyalo
munanike wakwe, Davida alunyungu Iwakwe Iyoone amuyamyaka.**